



NOBILISSIMO, CLARISSIMOQVE VIRO DOMINO D.
NICOLAO MANDAT.
 REGI A SECRETIORIBVS CONSILIIS.
 MAGNO REGIÆ DOMVS PRÆFECTO, ET IN
 SVPREMA COMPTORVM CAMERA MAGISTRO, &c.

NISI spectata dudum tua singularis in omnes humanitas foret, (Vir non Maiorum imaginibus tantum illustris,) vereretur equidem te, in summis occupatum rebus, intempestivâ oratione interpellare: sed respiciens illam animi tui moderationem, quæ nullum unquam à suo summoit accessu: has difficilissimi studij primitias sincero cultu virtutibus tuis consecraturus accessi: Dignum quidem meâ, non tuâ fortunâ munusculum. Admonuit etiam me, ipsius tabellæ facies, in quâ non adumbrata modo nobilitatis, sed illius, quæ in te supra ceteras micat, expressa signa virutis, elucebant. Gemine scilicet ille rosa, non tam purpureo Veneris sanguine, quàm tua benignitatis moderationisque rubentes fulgore; quæ dum indomitam præcipitis apri cervicem domant, leoninam animi proserpentis increscentisque feritatem secludunt. His tuis summis dotibus multum, sed benignitati plurimum me debere profiteor; quæ quò longius se ad alienas porrigit utilitates, eò hominis & humanitatis gradus omnes euincit. Cuius nexum, tibi deuotus animus inire non recusat, & in hac iucunda seruitute, legitimam pietatem tuam, religiosâ fide silentij remunerat, atque inde conuersus in vota, suos calidum aris annos, quò vitæ tua sit productior deuouet, enixèque flagitat, nomen tuum nobili famâ, nec non apud posteros, æternum duraturâ laude celebrari.

VALE.

Tibi additissimus I. GAVOIS:

QVÆSTIO MEDICA.

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XIX. FEBRVARII.

M. LEONE LE TOVRNEVRS, Doctore Medico, moderatore.

An ideo Mulieri sanguis redundat, quia ad gignendum alendumque fœtum nata?

838

ALTERA generis humani pars mulier, tantò videtur esse præstantior viro, quantò vtilior est ad perficiendum opus generationis. Maximam proinde illi facit iniuriam, quisquis monstrum esse putat; perfectum siquidem animal est, còque maiori curâ & studio naturæ procurandum, quò plus confert ad æternitatem speciei, cuius, ipsa summè est appetens. Nempe, non forte mulier nascitur, aut præterintentionem naturæ mates facere discens: est enim ex primario illius instituto, & cum maris imminutioni non debeat, quod ipsa generetur, in eorum cursu à mare discrepat, quòd præterquam plures habet à naturâ prorsus dissimiles generationis particulas, est quoque ad gignendum alendumque fœtum nata.

MULIERI, quia debebat fœtum in se gignere, eumque tum intra, tum extra vterum, plenè & perfectè alere, ea necessaria fuit alimentis vbertas, quæ sine proprio corporis dispendio, fœtui formando nutriendoque sufficeret; verum non ita facile poterat, neque tantà copiâ humor nutritius à muliere suppeditari, nisi dissimilem viro temperaturam esset sortita; eam itaque totius corporis constitutionem obtinere debuit, quæ omnium maximè foret sanguini cumulando accommodata. Eiusmodi autem est, quæ vnâ cum moderato calore, humoris continet quamplurimum; neque verò frigida: vel imbecilliori mulieris naturæ tribuenda superflui utilitas sanguinis: ut enim ex eo dici nequit mulier esse imperfectior, quòd minus calidam, viro, constitutionem est nata, simili prorsus ratione, illam, quæ redundat sanguinis copiam, ex caloris infirmi inopia oriri verisimile non est.

PORRO sanguis, qui ex vtilis alimentis reliquiis mulieri redundans, incertâ periodo excernitur, eiusdem planè conditionis est cum eo, qui venis continetur pro alimento corporis. Errat igitur grauius, nec satis explorata habet generationis nostre principia, qui noxium esse censet & maligna qualitate præditum: sola enim quantitate superfluit, & cum ab humidioris calidæque iecoris temperie generetur, vberiori longè copia, quam ad partium alimoniam est opus: ille non vasis solum maioribus, sed hepatis etiam grauis fluit in vterum itineris consuetudine, vbi reueratis venarum oculis stillat gurgitanti, atque si fortè molli & subactò vteri gremio semen exceptum est, paribus cum eo viribus congregiendis, vel fœtui conformando aptam præbet materiem, vel iam formato vbertim alimentum suppeditat, toto tempore gestationis.

FIT ergo ex accidenti, ut quòque mense extra vterum fluat sanguis, mensurâ vocatâ purgatione: nempe, cum in fœtus nutritionem non absuitur, ille copiâ & calore vteri venas distendit, viamque sibi in ceruicem parat quâ dimanet, non ante verò fluere desinit è locis, quàm imminutâ circumcissâque redundantia, quod reliquum est corpori prorsus necessarium, venæ retineant. Tum mensurâ sanguinis nihil amplius erumpit, sed ea, quæ ad vterum pertinent, ora vasorum sponte suâ conuiuent, donec intervallo quodam temporis, tantum denub accrescat, quantum antea profluxit, similique naturæ impetu per vterum deponatur. Non est itaque quòd quisquam aliam quærat huius circuitus causam, præter redundantiam sanguinis: ut enim his etiam mulieribus contingat, quæ exiguum congestere, non est proinde illius causa euacuationis in lunæ cursum referenda; cum enim nullum eius motum exactè sequatur, nulla sit ipsius stas, certâque periodus; reliquum est, ut id totum tribuatur naturæ consuetudini, quæ eadem cum excrementis ratione, vbi tantum congestum est, ut id corpori molestiam faciat, singulari planè solertia foras protrudit.

VERVM naturæ parum fuisse, vacuæ mulieri vias expedire, quibus ab inutili & superfluo humore se se liberaret, parum quoque, familiarem, fœtui vteri latebris incluso, victum inuenire, nisi & recens edito alterum eiusdem generis è matre comparasset, oportebat siquidem tenellum atque delicatulum infantem, qui solidiori cibo adhuc foret impar, eo alimentis genere sustentari, quod non ita multum à mensurâ sanguinis conditione esset sejunctum. Eiusmodi est, quod ex redundantis functionis vbertate parant mammarum vbera, soli mulieri concessa, non ornandis causa pectoris, sed liberorum alendorum: hic est fons ille sanctissimus corporis, generis humani educator, in quem, qui in vteri penetralibus sanguis fœtus opifex, corpus omne finiebat, aduentante iam partus tempore, per communes venarum ductus sese profert: illic spiritu multo & calore exalbescens, ad fouenda vitæ lucisque rudimenta præsto est, & recens natis notum & familiarem victum offert.

Ergo ideo Mulieri sanguis redundat, quia ad gignendum alendumque fœtum nata.

R. R. P.
M. L. L. L.

Proponebat Lutetiæ IACOBVS GAVOIS, Parisinus. A. R. S. H. M. DC. XXXVII.

DOMINI DOCTORES DISPUTAVRI.

M. Nicolaus Helior.
M. Ioannes Vacherot.
M. Claudius Seguy Prof. Reg.

M. Ioannes Baptista Ferrand.
M. Simon le Lévrier.
M. Sebastien Rainsent.

M. Georgius Arband.
M. Carolus Bounard, Primarius Christianiss. Regis Medicus.
M. Quirinus le Vignon.